



In sabda ai 07 de Aurí el gnü sughé la terza partida dl ritorno dl campionat 2011/2012 de 3° categoria por La Val. La partida é gnüda sugada te ciasa contra la squadra da Gsies (che á batü i prüms da Aicha l'ultima partida).

La Val vá indô fora cun le gofes ôtes purdon, sciöche tles ultimes dôes partides, cun na pordüda de 1 a 3. Mo chësc iad un udü en migliramënt por ciche reverda le jüch, suradüt da mëter man dla partida, cina a mesa le prüm tēp. Ti prüms menüc á sughé La Val dēr bun, cun la pala basa y cun de beles combinaziuns. Le Gsies ne é gnanca stá da udēi tla prüma mesora.

Bel dô da püc menüc ti garetel en gol a La Val, ince cun en pü de furtüna. Al rōia ite en cross dala fascia, la pala vëgn deviada da en defensur sō a ciampañí. Dopo rōiera bel avisa jō dan porta, ulache Romeo é plü ascvelto y cun en bel colp de test mëtl la pala te porta. Inscö se porta La Val in vantaje. Ince dedô vëigun de beles combinaziuns, mo al mancia l'ultimo spunt por ruvé te porta.

Sōn le prüm fal dla difesa ti garetel le pareggio al Gsies. Al rōia ite en bel cross a mesa l'area, Sepl (le portier) vëgn fora por se apié la pala, mo en atacant aversa é bun dal antizipé y cun en colp de testa mëtl la pala te porta. Chësc gol fora de nia, dô che le Gsies ne é mai stá prigoriusc mët en pü sot y sura indô la partida. Püch dan le prüm tēp ti garetel indô en gol al Gsies, dui tiri te porta, dui goi. En gran tiro en diagonale: Sepl rōia sōn la pala, mo al é ma bun dala devié, l'aversa é plü svelto y rōia denant sōn la pala y po insciö apogé te porta. Denat che le prüm tēp se rōia fosl ciámò stē en rigore netto, en bel tiro de Alex Alton che fos jü ite é en defensur che para cun la man, mo le arbiter ne fischia nia le rigore. Le prüm tēp se stlūsc jō sōn le 1 a 1.

Ti secundo tēmp é Gsies che se defēn deplū y se stlūsc ite. La Val pro cíamò da recuperé mo ara ne va nia, entres rōia i defensurs denant sōn le pal y tira demez. Pūch dan la conclujiun dla partida vėgnl cíamò sciuré fora en aversar, deache al ti a dit val por tuděsc cuntra l'arbiter. Le arbiter ne á nia plū la partida sot a control. Ala fin dla partida ti scinchel cíamò en rigore al Gsies che ne foss nia stè, sōn na mano.

La partida se stlūsc jō insciō sōn le 1 a 3 por Gsies.

Cun chisc trēi puné lascia sōn trú toma La Val zoruch al 10. post.

La formaziun titolara: Kantioler Sepl, Castlunger Marco, Alton Alex, Tavella Jordan, Sottara Werner, Frenes Daniel, Sottara Stefan, Sottara Freddy, Tschaffert Ivan, Rubatscher Romeo, Frenes Micky y Rubatscher Florian.

Sostituziuns:

Elzenbaumer Alex por Rubatscher Florian

Vallazza Paolo por Sottara Werner

Nagler Max por Sottara Freddy